



Mudzina la Allah, Wachifundo chambiri, Wachisoni chosatha

**NCHIFUKWA CHANI MA SHIA AMATAMANDA NDI
KULEMEKEZA HUSAIN YEKHA NDI KUSIYA ANA ENA ONSE A
ALI RADHIA ALLAAHU ANHUM?**

Kodi munayamba mwadzifunsapo funso limeneli? Nanga nkhani imeneyi inayamba yakudabwitsanipo?

Ndisanayankhe mafunso amenewa, dziwani lero izi: Ali bun Abi Talib, anali cousin wa Mtumiki ﷺ chifukwa Abu Talib anali amalume a Mtumiki ﷺ. Ndipo Ali anakwatira Fatimah, mwana wa Mtumiki ﷺ ndikubereka mapatsa (Hasan ndi Husain) ngati ana oyamba mwa ana 11. Choncho Ali anali ndi ana ambiri osati Husain yekha, koma izi ambiri sadziwa.

Tiyeni tiwadziwe lero ana a Ali (radhia Allaahu anhu) onse mwatsatanetsatane:

- 1) Hasan (الحسن)
- 2) Husain (الحسين)
- 3) Muhsin (المحسن)
- 4) 'Abbaas (العباس)
- 5) Hilaal (هلال)
- 6) 'Abdullah (عبدالله)
- 7) Ja'far (جعفر)
- 8) 'Uthmaan (عثمان)
- 9) 'Ubaydullah (عبيدالله)
- 10) Abubakr (بكر أبو)
- 11) 'Umar (عمر)

Awa ndi ana omwe Ali (radhia Allaahu anhu) anabereka.

Kodi munayamba mwaonapo ma Shia akulemba mma scarf awo “Ya Abbaas” kapena “Ya Hasan” kapena “Ya Muhsin”? Ayi ndithu sitinawonepo akulemba izi.

Nanga ndichifukwa chani ma Shia amangoti “Ya Husain”, komanso amachita istighaatha (kupempha chithandizo) kwa Husain koma osati Hasan, kumachita kuti ndizodziwika kuti Hasan ndi Husain anali mapatsa aku banja lolemekezeka la Mtumiki ﷺ?

Chifukwa chani kusankha Husain yekha?

Tisanayankhe mafunso amenewa ndikugawireni uthenga uwu wopatsa chidwi:

Ma Shia ali ndi ma Imam 12 omwe amawakhulupilira ndikuwalemekeza kufika powachita ngati Atumiki a Allah, ndipo amati iwowo alibe machimo. Mukudziwa kuti ma imam onsewo ndi ana ochokera mwa Husain (radhia Allaahu anhu)?

Kodi pamenepa kapena ana onse a Ali tawatchula aja ana awo anali osaphunzira?

NDICHIFUKWA CHANI MASHIA AMATAMANDA HUSAIN YEKHA KUSIYA ANA ONSE A ALI?

Husain (radhia Allaahu anhu) anakwatira mkazi wa chi Persia (wa ku Iran), yemwe anali mwana wa Mfumu Kisra, wochokera mu Sasanian Empire Yazdagerd (Yazdajerd) wachitatu. Ndipo mkazi ameneyu dzina lake linali Shahrbanu, kapena Shahrabanu (Sheherbaanu) malingana ndi malembedwe osiyanasiyana. Dzina limeneli ndi lachi Farsi kapena kuti chi Persian lomwe limatanthauza kuti *The Lady of The Land*.

Anthu awa anali makafir omwe anali kupembedza mafano monga Mazda. Apa mpomwe ena anatengera dzina la *Company* yopanga magalimoto loti Mazda. Magalimoto a Mazda. Limenelo ndi dzina la fano lomwe anthu aku Iran Persian anali kupembedza.

Analonso ndi mulungu wina Ahura (Ahura Mazda) yemwe ankakhulupilira kuti ndiye mulungu amene amapereka moyo, amalenga.

Munthawi yomwe Asilamu analowa ku Iran, anamenyana ndi Kingdom ya Kisra Yazdagerd wachitatu mpaka anaigonjetsa ndipo anatenga ena mwa anthu ngati akapolo.

Imeneyitu inali nthawi ya utsogoleri wa ‘Umar bun Al-Khattaab (radhia Allaahu anhu).

Mkati mwa akapolo omwe anagwidwa aja munali mtsikana wotchedwa Shahrbanu mwana wamfumu Kisra. Ndipo ‘Umar (radhia Allaahu anhu) anatenga mtsikanayu namupatsa Husain (radhia Allaahu anhu) kuti amukwatire, ndipo anamukwatiradi.

Ndikhulupilira tsopano tadziwa pamene pakuchokera kulemekezeka kwa Husain kuposa Hasan ndi azichimwene ake onse.

Husain atakwatira mtsikanayu, anabereka ana 12, omwe ndi ma imam olemkezeka kwambiri kwa ma Shia.

Choncho amanama kuti amakonda aku Banja la Mtumiki ﷺ ... izi sizooona ayi ... Zoonazake ndizoti ma Shia amakonda akubanja la Mfumu Kisra, kafir wopembedza mafano yemwe ndi gogo wa ma imam awo 12! osati zoti amakonda agogo ake a Husain (radhia Allaahu anhu) womwe ndi Mtumiki ﷺ!

Akanakhala kuti amakondadi akubanja la Mtumiki ﷺ bwenzi akukonda ndikulemekeza anthu onse akubanja la Mtumiki ﷺ sakanapatula, kuyambira mkazi wake Aisha.

Inu simudabwa amangoti Ahlu Bayt (Abale a ku Nyumba) samapitiriza kuti Ahlu Bayti Nnabiy (Abale a ku Nyumba ya Mtumiki) chifukwa chani???

Indetu, iwo samanama, ndi Ahlu Bayt Kisra, gogo wa ma Imam awo aja 12 osati Ahlu Bayt a Mtumiki ﷺ gogo wa ana 11 a Ali ndi Faatimah radhia Allaahu anhu.

Nkhanizi muzipeza ndi ibn Katheer mu:

Albidayah Wannihayah Vol. 9

Al-Tabari – Dalaailul Imaamah p.194

Al-Kaafi (Usool) vol.1 p.297m’chaka

Mu Al Bidaayah wa Nnihaayah anati:

[Ibn Khalkan ananena kuti Ummu Salamah anali mmodzi mwa ana achikazi a Yazdagerd mmodzi mwa mafumu achi Faris (Persian). Ndipo Al Zamakhshariyy analongosola mu buku lake lotchedwa Rabi’ul Abraar, kuti Yazdagerd anali ndi akapolo achikazi atatu mu nthawi ya utsogoleri wa ‘Umar (radhia Allaahu anhu), ndipo Asilamu atagonjetsa ufumu wa Yazdagerd analanda akapolo amenewa nawapereka kwa ‘Umar. ‘Umar (radhia Allaahu anhu) anawamasula akapolowa ndipo mwa atsikana omwe analipo anatenga mmodzi ndikumpatsa mwana wake Abdullah (radhia Allaahu anhu) kuti akwatire. Mmenemo Abdullah bun Umar anabereka naye mwana wotchedwa Salma.

Ndipo mtsikana wina anampatsa Muhammad mwana wa Abubakr Siddeeq (radhia Allaahu anhu) kuti amukwatire, ndipo anabereka naye mwana wotchedwa Qassim.

Ndipo mtsikana wachitatu anampatsa Husain mwana Alie (radhia Allaahu anhu) kuti amukwatire, ndipo anabereka naye Ali Zainul Abdeen ... Ana onsewo anali adzukulu a mfumu Yazdagerd yachi Persian.]

Tsopano atsogoleri (ma Imaam) a chi Shia aja omwe amawatamanda ndikuwayeretsa kwambiri omwe amafika pa level ya kulemekezeka kwawo ngati Atumiki ndi aneneri a Allah ﷻ, amakhulupilira kuti ndi ma'asumoon (opanda ma chimo), onsewo ndi ana a Husain omwe anaberekera kwa mkazi ameneyo (Shahrbanu).

Ma Shia amakonda Husain (radhia Allaahu anhu) kwambiri komanso ma Imaam awo 12 aja chifukwa choti iwo amati muli magazi awo a chifumu cha chi Persian (Iran) mwa ma Imaam amenewa, chifukwa ndi ana ochokera kwa mkazi wachifumu Kisra Yazdagerd yaku Iran.

Pachifukwa ichi amakonda zidzukulu za chifumu Kisra, kafir amene anali kupembedza mafano ngati mmene talongosolera kale.

Akanakhala kuti amakonda Husain chifukwa choti ndi muzukulu wa Mtumiki, bwenzi akulemekeza akunyumba kwa Mtumiki kuyambira Aaisha radhia Allah anha (Mai wa Okhulupilira).

Awuzeni lero anthu zoona kuti ma Shia amakonda aku banja la Kisra Yazdagerd mfumu ya chi Persian osati aku Banja la Mtumiki ﷺ ngati mmene iwo amanamira.

Musangowerenga nokha uthengawu komanso aphunzitseni ma Shiatu Raafidhah – ambiriwotu sadziwa zoona amangotsatira, chilungamo chake sachidziwa.

Aphunzitseninso Asilamu anzanu adziwe choonadi, awadziwe kuti ma Shia ndi ndani.